



Terenga 6: Hōtaka 4 – He whakakāhoretanga

He Mihi

Kei aku mōtoi kahotea, tahuti mai anō ki tēnei terenga hou o tā tātou hōtaka, o AKO. Ki konei tātou whakarenarena ai i te taukaea o te aroha ki te reo.

Hei Mahi Whakarongo

He waiata te kiriata hei mātaki mā tātou i tēnei hōtaka. He mea tito e Stan Walker, ka whakamāoritia ai e Te Haumihiata Mason, kātahi ka whakaputaina e Cinco Cine me Te Taura Whiri i Te Reo hei whakanui i Te Wiki o Te Reo Māori i te tau 2014. Ko ngā korokoro tūi o te ao Māori kei te kawē i ngā kupu, mō te reo Māori te take. Anei ngā pātai hei whakautu mā koutou:

- 1) Ko wai 'tāua'?
- 2) Ka hinga pea te tangata i te aha?
- 3) He aha te pānga o te 'toto' ki te kaupapa o tēnei waiata?

Kia tahuri ake tātou ki te whakarongo ki ngā reo rōreka o te ao Māori.

He Whakamārama


Katoa ngā whakakāhoretanga e whai ake nei e hāngai ana ki te wā heke.

- **Kāore** au e hinga.
- **E kore** au e hinga.
- **Rawa** au e tū.
- **Kore** au e noho.
- **Kore rawa** au e whakaae.

E whakaatu ana te whakakāhoretanga e whai ake nei i te panonitanga o ngā whakaritenga. I tōna tikanga ka haere koe, engari kua puta he kaupapa e kore ai koe e haere.

- **Kua kore** au e haere.

He Mahi Ī-papa



Whakaotihia te rerenga kōrero.

Hei Mahi

Whakamāoritia ngā rerenga kōrero e whai ake nei:

1. They're (2 people) not going anymore.
2. I'm not going to the meeting.
3. I'll never go.
4. She will never agree to this idea.

Whakautu:

Mahi ĩpapa: *E kore e wareware i a au te paraoa takakau a taku kuia.*

Hei Mahi:

1. Kua kore rāua e haere.
2. Kāore au e haere ki te hui. / E kore au e haere ki te hui. / Rawa au e haere ki te hui.
3. Kore rawa au e haere.
4. Kore rawa ia e whakaae ki tēnei whakaaro.